



紅印

福州東禪等覺院住持傳法慧空大師 中真等謹募眾緣恭為

今上皇帝 太皇太后 皇太后 皇太妃祝延 聖壽國泰民安

開鑿大藏經印板副摠計五百函各一卷元豐二年乙丑歲正月日謹題

大方等大集經卷第九

讓

北凉天竺三藏曇無讖於姑臧譯

海慧菩薩品第五之二

善男子菩薩摩訶薩若欲獲得淨印三昧應  
當修習淨於菩提遠離一切滓濁之心善男  
子若不能見諸法性淨則為渴愛煩惱所污  
一切諸法不可思惟不作不行清淨寂靜無  
有塵垢亦無過失畢竟清淨如解脫性法界  
不壞無有分別實性法性無有差別一切諸

法空無相願如解脫性無礙平等一切諸法  
亦復如是若能如是正觀察者是名無濁善  
男子菩薩若能為諸衆生說如是法是名無  
滓善男子若有菩薩心無滓濁是人則得淨  
印三昧海慧菩薩言世尊如是三昧其義甚  
深不可說故不可覩見斷數法故難可解了  
不可見故是大智慧攝諸法故一切菩薩皆  
悉平等無垢無滓無諸障礙無有住處微妙  
難明不可喻說其性堅固猶如金剛不生不  
滅不破不壞不繫不縛是大光明遠離闇故  
不可思議無垢清淨遠離貪故無有諍訟修  
習慈故不覺不觀離去來故一切平等如虛

空故世尊觀何因緣得是三昧佛言善男子  
譬如有人欲遊虛空大白莊嚴菩薩亦尔欲  
得是定當大莊嚴平等莊嚴一切諸法何以  
故世間之法從子得果善男子一切有爲識  
爲種子此三昧者無有作子何以故而此三  
昧非眼識識乃至非意識識非作持色非受  
非想非行非識觀一切法普皆平等是名三  
藐三佛隨善男子非異相故名爲生死非異  
相故名爲涅槃善男子隨生死相即涅槃相  
何以故一切諸法本性淨故本性性者名爲  
無性夫無性者名無性相若無相性即是無  
作如是無作即是法性無有文字若無文字

即名為如如前中後亦亦是名三出世夫三出世者即名為空空即無作如是無作何有作者是故無作名之為空若無作作者當知無法若無法者無求無願若無願求則無身口意業無身口意業即名無礙無礙者名為不出不出不滅不住不滅不住即無為相無為相者是名不住不住者謂無一切所作之業意不住色乃至意不住行若是四處意無住者是名無住若無住者則不生於相似我慢若無如是相似我慢則無增長若無增長則無有烟若無有烟則無覺觀若無覺觀是名嘿然善男子如是善法其義甚深若能信者即

得解脫永離顛倒煩惱障礙即能受持過去  
未來現在諸佛所有法藏是大船師導師商  
主呪師醫師則能供養三世諸佛是名佛子  
過於魔業破諸魔衆不久當得淨印三昧能  
大莊嚴堅牢船舫濟渡衆生於生死海世尊  
云何菩薩能壞一切諸魔伴黨佛言菩薩若  
能不求諸法念時則能壞破魔衆不求一切  
境界因緣善男子有四種魔一者陰魔二煩  
惱魔三者死魔四者天魔善男子若能觀法  
如幻相者是人則能破壞陰魔若見諸法悉  
是空相是人則能壞煩惱魔若見諸法不生  
不滅是人則能破壞死魔若除憍慢則壞天

魔復次善男子若知苦者能壞陰魔若遠離  
集破煩惱魔若證滅者則壞死魔若修道者  
則壞天魔復次善男子若見一切有為法苦  
則壞陰魔若見諸法真實無常壞煩惱魔若  
見諸法真實無我能壞死魔若見諸法寂靜  
涅槃能壞天魔復次善男子菩薩若能於身  
無貪捨身施時迴向菩提能壞陰魔施時遠  
離慳貪之心壞煩惱魔若觀財物一切無常  
能壞死魔為衆生故修悲布施能壞天魔復  
次善男子若有菩薩不為我見受持淨戒能  
壞陰魔不為有貪受持淨戒壞煩惱魔若為  
遠離生死過失受持淨戒能壞死魔若能生



心令毀禁者悉持淨戒受持淨戒則壞天魔  
復次善男子若有菩薩不見我忍我修於忍  
則壞陰魔不見衆生有修忍者壞煩惱魔不  
見生死則壞死魔不見菩提則壞天魔復次  
善男子若有菩薩勤修精進其身寂靜則壞  
陰魔勤行精進其心寂靜壞煩惱魔勤行精  
進觀法無生能壞死魔勤行精進為調衆生  
令轉生死則壞天魔復次善男子若有菩薩  
不為五陰修習禪定能壞陰魔不著界處修  
習禪定壞煩惱魔不著入處修習禪定能壞  
死魔所有諸善迴向菩提能壞天魔復次善  
男子若有菩薩知陰方便能壞陰魔知界方

便壞煩惱魔知入方便能壞死魔以如是等  
種種方便迴向菩提能壞天魔復次善男子  
若有菩薩觀一切法皆是空相能壞陰魔觀一  
切法悉是無相壞煩惱魔觀一切法悉是無  
願能壞死魔具是三法迴向菩提能壞天魔  
復次善男子若有菩薩觀身身處不覺不著  
能壞陰魔觀受受處不覺不著壞煩惱魔觀  
心心處不覺不著能壞死魔觀法法處不覺  
不著能壞天魔作如是觀終不失於菩提之  
心是人則能壞破四魔善男子若著我者則  
增魔事菩薩摩訶薩亦知有我亦知無我若  
有法非有我非無我如是則無一法增減一

切衆生無明所覆是故菩薩為欲莊嚴無上  
大乘非為我故而發莊嚴發莊嚴已作是思  
惟誰莊嚴法堅固不壞我當莊嚴我亦不為  
壞我衆生壽命士夫而行莊嚴為破衆生著  
我邪惑衆生壽命士夫等見而行莊嚴衆生  
顛倒見是五陰常樂我淨我當為說如是無  
常苦空無我為令衆生得真實智若有衆生  
心有願求當知是人即名為著若不願求則  
無有著若不著者是不誑若不誑者得真  
實智知於過去未來現在不著過去未來現  
在何以故過去已盡未來未至現在不住若  
於三世不作著想名不顛倒名菩薩行了知

一切衆生諸行知已了了說業及果亦知貪  
行瞋行癡行知有衆生行於貪欲莊嚴於瞋  
行於瞋恚莊嚴於貪行於愚癡莊嚴於貪行  
於貪欲莊嚴於癡行於瞋恚莊嚴於癡行於  
愚癡莊嚴於瞋善男子有諸衆生於色生貪  
於聲生瞋復有衆生於聲生貪於色生恚復  
有衆生於香生貪諫於味生恚復有衆生於味  
生貪於香生恚復有衆生於觸生貪於法生  
恚復有衆生於法生貪於觸生恚復有衆生  
貪欲羸劣瞋恚猛健復有衆生貪欲猛健瞋  
恚羸劣復有貪羸癡健癡羸貪健瞋羸癡健  
癡羸瞋健或有衆生爲色調伏非爲聲香味

觸法等。有為聲調伏。非為色香味觸法等。有為香調伏。非為色聲味觸法等。有為味調伏。非為色聲香觸法等。有為觸調伏。非為色聲香味觸。故復有衆生心寂靜。故而得調伏。非身寂靜。而得調伏。或有衆生身寂靜。故而得調伏。非心寂靜。而得調伏。或有衆生聞說無常。而得調伏。非因於苦。不淨。無我。而得調伏。或有衆生聞說苦。故而得調伏。非因無常。不淨。無我。而得調伏。或有衆生聞說不淨。而得調伏。非因無常。苦。無我。等。而得調伏。或有衆生聞說無我。而得調伏。非因無常。苦。不淨。等。而得調伏。我。而得調伏。非因無常。苦。不淨。等。而得調伏。

復有衆生現身神通而得調伏非他心智而得調伏或有衆生因他心智而得調伏非因神通而得調伏善男子有調衆生勤修精進遲得解脫有少精進速得解脫有勤精進速得解脫有少精進遲得解脫有因解脫非緣解脫有緣解脫非因解脫有因緣解脫非因緣解脫有諸衆生觀於內法而得解脫非觀於外有觀於外而得解脫非觀於內有觀內外而得解脫有不觀內外而得解脫有諸衆生因樂行故而得解脫非因苦行有因苦行而得解脫非因樂行或因苦樂而得解脫或有不因苦行樂行而得解脫有諸衆生因讚

美故而得調伏非因呵責或因呵責而得調  
伏非因讚美或因讚毀而得調伏或有不因  
而得調伏有諸衆生因逆說法而得調伏不  
因順說或有因順而得調伏不因於逆或因  
逆順而得調伏或有非因逆順說法而得調  
伏有諸衆生因聞略說而得調伏非因於廣  
或有因廣而得調伏詳九卷五非因於略有因廣略而  
得調伏或有不因廣略說法而得調伏有諸  
衆生因四真諦而得調伏有因念處而得調  
伏有因正勤而得調伏或因如意而得調伏  
或因五根而得調伏或因五力而得調伏或  
因七覺而得調伏或因八道而得調伏善男

子衆生之行不可思議衆生之心亦不可思議衆生調伏不可思議所入法門不可思議衆生境界不可思議菩薩摩訶薩獲得如是不可思議智然後乃知一切衆生所行之行不可思議善男子譬如羅網多有諸結有人在中以呪術力破網得出隨意而去菩薩摩訶薩亦復如是入衆生中以智呪力壞煩惱網隨意自在雖未證得阿耨多羅三藐三菩提而能通達衆生所行亦時舍利弗白佛言世尊菩薩摩訶薩初發無上菩提心時聞諸衆生有如是行不驚不怖是事實難不可思議佛言舍利弗於意云何如師子子雖復初



產聞師子吼有怖畏不不也出尊菩薩摩訶  
薩初發無上菩提心時聞衆生行亦復如是  
舍利弗於意云何火勢雖小畏乾薪不不也  
出尊菩薩摩訶薩初發無上菩提心已得智  
慧火亦復如是舍利弗如來今以非喻為喻  
舍利弗譬如猛火與諸乾薪結期七日當大  
戰鬪尔時一切乾樹草木種種支葉悉共聚  
合如須彌山尔時猛火有一親友而語之言  
汝今何故不自在嚴多有救援助彼薪衆汝  
唯一已何能當之時火答言彼怨雖多我力  
能敵不須伴黨舍利弗菩薩摩訶薩亦復如  
是雖諸煩惱悉共和合其勢熾盛菩薩智慧

力能消伏舍利弗菩薩摩訶薩有二種力一  
煩惱力二智慧力菩薩若無煩惱力者則不  
能共諸衆生行亦不能知衆生行處亦當證  
於聲聞緣覺是故菩薩以煩惱力遍遊諸有  
不生怖畏是名菩薩行於方便舍利弗如小  
毒虵不須伴侶初發心者亦復如是舍利弗  
譬如熒火雖有無量讓千萬億數不能障蔽日九卷  
之光明菩薩摩訶薩亦復如是雖有煩惱無  
量無數不能障蔽菩薩智光舍利弗如阿伽  
陀一丸之藥能破大毒菩薩智慧亦復如是  
小智慧藥能壞無量大煩惱毒舍利弗譬如  
天降一味之水隨地差別得種種味菩薩摩

訶薩一解脫智亦復如是隨衆生根說種種  
異舍利弗如閻浮樹下有金泥是金泥中有  
種種寶菩薩摩訶薩初發菩提金泥心中亦  
復有聲聞辟支佛寶舍利弗如餘小王一切  
悉屬轉輪聖王一切人天亦復如是悉來歸屬  
初心菩薩舍利弗如薄福人不遇寶雨若不  
能於無量佛所種諸善根則不能發菩提之  
心舍利弗無甘蔗子則無種種石蜜諸味若  
無菩提心者亦無種種三寶諸味舍利弗如  
耆婆醫王常作是言天下所有無非是藥菩  
薩亦亦說一切法無非菩提舍利弗如阿脩  
羅王盡其勢力不能遮障日月之道一切魔

衆亦復如是盡其勢力不能遮障勤行菩薩  
修菩提道舍利弗如色界天宮殿屋宅依空  
而住勤行菩薩所得菩提亦復如是依空而  
住舍利弗譬如虛空悉能容受一切万物而  
是虛空初無增減無量佛法亦復如是雖有  
菩薩發心願求而是佛法亦無增減舍利弗  
譬如有人任力遊空而虛空性無增無減菩  
薩亦亦任其信力行於佛智而是佛智亦無  
增減舍利弗譬如陶師木成器時不得器名  
菩薩善法亦復如是未發心時亦不得名舍  
利弗如人已見轉輪聖王則不求見諸餘小  
王菩薩亦亦若已發起菩提之心則不更發

聲聞緣覺心舍利弗如餘處中不出衆寶衆  
寶要出於大海中舍利弗聲聞寶中不出三  
寶三寶要從菩薩寶出舍利弗譬如太子不  
名為王非不名王菩薩摩訶薩亦復如是非  
名為佛非不名佛舍利弗譬如小寶亦不可  
輕何以故如是小寶能作大事多所利益菩  
薩亦亦初發心時亦不可輕舍利弗我今為  
諸菩薩摩訶薩說如是喻若有菩薩聞是諸  
喻即得安樂尔時世尊即說頌曰  
若欲證得於佛道  
應當除滅疑網心  
勤修無上信心者  
即能獲得於菩提  
若修淨印三昧者  
宣說諸法皆如夢

無量世中淨其心  
佛所得道非身業  
無為真實性亦亦  
佛道無對不可見  
非是一切諸情根  
非相非陰非入界  
非知非智之境界  
諸佛大悲難思議  
無字無聲不可說  
若有衆生無量世  
聞已即得大福德  
一切諸魔不得短

即能得證正覺道  
亦非口意二業等  
是故不可以喻說  
非眼識界如虛空  
又非諸根之境界  
非是心意受想識  
是故佛境不可知  
無量無邊無障礙  
是故無能知佛界  
親近善友聽正法  
常受妙樂如先佛  
諸根調伏行樂處

能以方便壞四魔  
若行如是菩提道  
能渡衆生生死海  
即得無上相好等  
能知衆生煩惱行  
若有菩薩勤精進

如火能焚乾草木

如法而住行佛界  
即得菩提為人說  
能破一切大邪見  
成就十力四無畏  
能壞一切諸有道  
即能破壞諸煩惱  
菩提心能燒煩惱

尔時世尊復告海慧菩薩言善男子菩薩摩訶薩勤行精進易得阿耨多羅三藐三菩提誰有修行勤精進者當知是人即有菩提誰有精進是人即具檀波羅蜜尸波羅蜜羼提皮羅蜜毗梨邪波羅蜜禪波羅蜜般若波羅

蜜能自利益亦利於他善男子過去無量劫  
有佛世尊号勤精進如來應正遍知明行足  
善逝世間解無上士調御丈夫天人師佛世  
尊國名善見劫名華聚尔時世界大水彌滿  
其水出生八萬四千上妙蓮華一一縱廣滿  
十由旬有無量億金色光明其香微妙阿迦  
膩吒諸天謹見已多受安樂作如是言是世間  
中多有蓮華當知亦當多有佛出是故此劫名  
曰華聚是時彼國寂靜無聲以寂靜故無量  
世界諸菩薩等常樂觀察以觀察故各各皆  
得喜行三昧是故彼世名曰善見其國多有  
七寶林樹樓閣殿舍衆生安樂如兜率天多



饒飲食易獲神通無有女身一切化生亦無  
二道皆修大乘。爾時彼佛有三萬六千出家  
菩薩皆悉獲得不退轉心。無量人天初發菩  
提堅固不退。彼佛世尊常樂宣說勤精進行  
時大眾中有一菩薩名堅固莊嚴。從座而起  
前禮佛足長跪合掌作如是言。世尊云何菩  
薩勤行精進。佛言善男子。勤行精進。凡有四  
法。何等為四。一者發心。二者作心。三者觀心。  
四者如法住。如是四法。即是具足佛法。因緣  
何以故。善男子。發者即是生善法。因作者名  
為增善法。因觀者名為利眾生。因如法住者  
名入一切佛法。因緣又復發者求聞正法作

者聞已能說觀者善思惟義如法住者如說  
而住又復發者調伏慳心作者能一切施觀  
者為衆生施迴向菩提如法住者不求施果  
又復發者求質受人作者見來求者生慈愍  
心觀者觀財無常如法住者不求果報又復  
發者如法求財作者求於淨命觀者於不堅  
物修於堅法如法住者一切捨時不生憍慢  
又復發者離諸惡戒作者至心受持諸淨禁  
戒觀者至心調伏毀禁之人如法住者淨持  
禁戒不生憍慢又復發者淨於口業作者淨  
於身業觀者淨於意業如法住者修習善法  
又復發者遠離瞋心作者修習忍辱觀者將

護自他如法住者修忍辱已不生憍慢又復  
發者常樂教化邪見衆生作者能壞衆生瞋  
恚之心觀者不見內外如法住者遠離一切  
煩惱諸結又復發者遠離懈怠作者勤修精  
進觀者調伏一切懈怠衆生如法住者勸諸  
衆生令修精進又復發者名為善慈作者所  
作已竟觀者不求餘乘如法住者不失無量  
菩提之心又復發者莊嚴禪枝作者莊嚴三  
昧觀者終不生於相似我慢如法住者破壞  
衆生行惡之心又復發者莊嚴念心作者莊  
嚴諸有觀者其意堅固如法住者勇健無怯  
又復發者名如法因作者名如方便觀者名

為門戶如法住者名為解脫又復發者謂求  
名字作者持於文字觀者字不可說如法住  
者遠離文字又復發者離惡知識作者親近  
善友觀者於善友所至心聽法如法住者不  
謬解義又復發者樂於捨家作者遠離怨親  
觀者求於善法如法住者不隨他意又復發  
者所謂少欲作者所謂知足觀者易養易滿  
如法住者善知時宜又復發者如戒而學作  
者於戒不漏觀者如意學戒如法住者如慧  
學戒又復發者檀波羅蜜尸波羅蜜作者羸  
提波羅蜜毗梨耶波羅蜜觀者禪波羅蜜般  
若波羅蜜如法住者智波羅蜜方便波羅蜜

又復發者行施攝取作者輕語攝取觀者利  
他攝取如法住者同利攝取又復發者所謂  
大慈作者所謂大悲觀者所謂大喜如法住  
者所謂大捨又復發者護持正法作者淨於  
福田觀者莊嚴相好如法住者調伏衆生又  
復發者實知陰魔作者離煩惱魔觀者壞於  
死魔如法住者摧伏天魔又復發者謂身念  
處作者謂受念處觀者謂心念處如法住者  
謂法念處又復發者了了知苦作者遠離於  
集觀者證真實滅如法住者謂修於道又復  
發者所謂信根作者謂精進根觀者所謂念  
根如法住者所謂慧根又復發者謂七覺分

作者謂八正道觀者謂舍摩隨如法住者毗  
婆舍那善男子如一切行皆名為發修一切  
善悉名為作一切淨心名之為觀知一切業  
名如法住善男子彼佛復告堅固莊嚴善男  
子勤精進者寂靜其心心若寂靜即是精進  
若壞貪身即是精進若知身意即是精進斷  
我我所即是精進言斷諸繫縛即是精進障煩  
惱盡即是精進若能遠離一切障礙即是精  
進若能除却十種憍慢即是精進能壞貪恚  
即是精進若能遠離無明有愛即是精進若  
不放逸修於善法即是精進若能真實觀內  
外入即是精進若真實知陰界諸入即是精

進心寂靜者即是精進。破壞疑心即是精進。若於三出不分別者即是精進。若觀法界不動轉者即是精進。若不漏者即是精進。若不害者即是精進。若不生悔即是精進。若不求者即是精進。若不滅者即是精進。若不作者即是精進。若無增減即是精進。無上無下即是精進。不捨不著即是精進。不縛不解即是精進。不去不來即是精進。不生不滅即是精進。非有放逸非不放逸即是精進。無作作者即是精進。無闇無明即是精進。非見非不見即是精進。善男子彼佛說是精進法時無量菩薩得無生忍。善男子今此會中五千菩薩。

亦得如是無生忍法七千天人發阿耨多羅  
三藐三菩提心善男子。爾時堅固莊嚴菩薩  
聞是法已為得如是無量法故。勤修精進。獲  
得下忍為求法。故不坐不卧。乃至命終。既捨  
身已。得生梵天。受梵天身。於無量世。供養於  
佛。聽受正法。於彼劫中。周遍供養八萬四千  
諸佛。如來聽受正法。勤行精進。善男子。汝知  
爾時堅固莊嚴。豈異人乎。即我身是善男子。  
我以具足是精進。故超弥勒等諸大菩薩。先  
成正覺。是故我言。誰有精進。當知是人。即有  
菩提。善男子。我勤精進。猶尚難得阿耨多羅  
三藐三菩提。况懈怠耶。若有菩薩能精進者。



是人則能自利利他。爾時世尊即說頌曰

我念過去無量世

華聚劫中精進佛

善見世界水彌滿

生出八万四千華

其國猶如兜率天

豐饒飲食無女身

不由父母悉化生

亦無二道純一乘

十方世界諸菩薩

觀善見國受安樂

三万二千出家眾

無量人天發菩提

爾時彼佛讚精進

唯為堅固菩薩說

若能發心勤修善

繫心思惟如法住

爾時世尊為我故

分別廣說是四句

發菩提心如法行

思惟得忍如法住

若求正法名初發

如法而說名為作

誨九卷

二

受義不謬善思惟  
若勤行施是初發  
明見無常善思惟  
如法求財是初發  
破壞慳心善思惟  
遠離惡戒是初發  
調伏毀戒善思惟  
遠離惡口是初發  
其意寂靜善思惟  
遠離害心是初發  
將護自他善思惟  
誘喻瞋者是初發

修習於忍如法住  
求覓受者名為作  
不觀二相如法住  
清淨活命是名作  
不求憍慢如法住  
不漏護戒是名作  
戒淨無慢如法住  
其身寂靜是名作  
諸法寂靜如法住  
修習忍辱是名作  
忍不生慢如法住  
遠離惡人是名作

內外寂靜善思惟  
遠離懈怠是初發  
知於真實善思惟  
始求善法是初發  
念心受持善思惟  
求於禪枝是初發  
無相似慢善思惟  
念慧之心是初發  
擁護正法善思惟  
正念因緣是初發  
觀於內法善思惟  
始求文字是初發

不著我心如法住  
勤修精進是名作  
修習於道如法住  
求已畢竟是名作  
不失於法如法住  
修習三昧是名作  
無有過失如法住  
獲得法門是名作  
勇健精進如法住  
修善方便是名作  
得解脫已如法住  
通達解了是名作

知不可說善思惟  
遠離惡友是初發  
聞已如聞善思惟  
佛法出家是初發  
修習善法善思惟  
少欲知足名發心  
住寂靜已說無諍  
從戒而學是初發  
無戒之戒善思惟  
不說世事是初發  
易養易滿善思惟  
樂修施戒是初發

九卷

十三

了無文字如法住  
親善知識是名作  
不遠離法如法住  
除捨怨親是名作  
不隨他意如法住  
樂於寂靜善思惟  
亦自修習如法住  
不行漏戒是名作  
從智慧戒如法住  
常樂寂靜是名作  
觀察無常如法住  
忍辱精進是名作

修禪智慧善思惟  
行施攝取是初發  
利益衆生善思惟  
修習慈悲名發作  
爲諸衆生淨身心  
獲持正法是初發  
莊嚴自身善思惟  
破壞陰魔是初發  
能壞死魔善思惟  
修習身念是初發  
修習念心善思惟  
了了知苦是初發

修智方便如法住  
軟語攝取是名作  
自利利他如法住  
不別三出世善思惟  
修習喜捨如法住  
清淨福田是名作  
調伏衆生如法住  
離煩惱魔是名作  
摧魔怨敵如法住  
修習受念是名作  
修習法念如法住  
遠離於集是名作

證滅真實善思惟  
修於信根是初發  
修念三昧善思惟  
身心寂靜是初發  
觀於名色善思惟  
無我我所是名發  
無去無來善思惟  
遠離憍慢是初發  
觀十二緣善思惟  
若能遠離一切相  
具足十力四無畏  
如來說法是精進法

修於正道如法住  
修習諸力是名作  
修於智慧如法住  
遠離邪見是名作  
精進不悔如法住  
無縛無解是名作  
法性不動如法住  
除去貪恚是名作  
離癡有愛如法住  
破壞所有諸障礙  
能說功德勤精進  
一千衆生悟無生

五千菩薩得法忍  
堅固莊嚴我身是

無量人天發菩提

若欲獲得上真道

當修精進如先佛

尔時修悲梵天語海慧菩薩言所言佛法佛  
法者云何名佛法海慧菩薩言梵天佛法者  
名一切法一切法者名為佛法如佛法性即

講

九卷

十三

一切法性如一切法性即佛法性佛法性一  
切法無有差別一切法寂靜佛法亦寂靜一  
切法空佛法亦空梵天一切法即十二因緣  
菩提者亦十二因緣梵天言善男子夫佛法  
者將不過於三界法耶梵天三界佛法性無  
差別三界平等佛法平等無有二相善男子

譬如虛空無有增減佛法亦尔無增無減性  
是空故無上無下梵天若善男子欲見佛法  
當作是觀復次梵天失佛法者非處非非處  
非生非滅非青黃赤白班駁琉璃虚空界色  
離色無色非有形質方圓修短無相無相相  
無縛無解無有是相名為佛法無相無句無  
有文字清淨寂靜空義無相義無聚義畢竟  
無出義覺知義不可宣說不可觀不可見者  
名寂靜義寂靜義者即是空義空義者即無  
聚義無聚義者即真實義真實義者即是畢  
竟不出之義畢竟不出義者即不滅義不滅  
義者即無處義無處義者即是法性法性者



即是佛法是名學法名阿羅漢法名緣覺法  
名為佛法如是佛法及餘諸法亦無住處不  
出不滅無色形質方圓脩短無有相貌無明  
無闇一切諸法等無差別求佛法者謂佛佛  
法及一切法菩薩摩訶薩坐於道場菩提樹  
下乃能了了真實知見何以故諸佛正法無  
住處故一切諸法亦無住處佛法不可得一  
切諸法亦不可得佛法平等一切諸法亦復  
平等若無因緣即無種性若無種性即無出  
滅若無出滅即名真實真實者即是實性  
過去未來現在諸法即是佛法何以故通達  
三世無障礙故無障礙者即是佛智佛智者

即是十八不共之法不共之法者攝一切法  
是故諸法即是佛法諸法佛法無二無別梵  
天言善男子汝今了了見佛法不梵天佛法  
非色不可覩見汝云何言了了見佛法耶一  
切諸法悉不可見夫了了者即是佛法無有  
二相梵天言善男子如來九卷何故說佛知見一  
切諸法梵天護如來十四佛法若有定相可得說言  
了了知見善男子佛法無耶梵天法若無定  
不可說有不可說無若不可說有無相者云  
何得言了了知見善男子如來云何說於佛  
法梵天如說虛空虛空之性實無定相佛法  
亦亦善男子佛法如是不可思議菩薩初發

菩提心時聞如是法不驚不怖不可思議正  
覺之性亦不可思議梵天佛所護者乃能發  
是菩提之心是故聞之不生怖畏梵天若有  
著者則生怖畏若不著者不生怖畏惜身命  
者則生怖畏不惜身命無所怖畏有障礙者  
則生怖畏無障礙者無所怖畏著我我所則  
生怖畏斷我我所無所怖畏善男子菩薩摩  
訶薩有何力故聞深佛法不生怖畏梵天有  
八種力聞深佛法不生怖畏何等爲八一者  
任力二者善友力三者多聞力四者善根力  
五者善思惟力六者破憍慢力七者大慈悲  
力八者如法任力梵天菩薩具足如是八力

聞說深法不生怖畏。今時世尊讚海慧菩薩  
言善哉善哉善男子。善能宣說菩薩諸力實  
如汝言菩薩具足如是諸力。聞說佛法不生  
怖畏。善男子。一切言說名之為聲。菩提之性  
亦不可說。亦不可見。不可說見名第一義。如  
來了了知見。如是不可宣說。愍眾生故而為  
宣說。善提非心亦非心數。何況聲字。善男子。  
如來憐愍諸眾生。故覺甚深法。覺甚深法已。  
無知無覺無心心數無聲無字。不可宣說。為  
眾生故。說有文字音聲次第。善男子。譬如虛  
空非是色法。不可覩見。非對非作。善男子。有  
人善畫畫空作像。若男若女。若象若馬。如是

之人可思議不不也。世尊善男子，是猶可信。如來世尊，知不可說而能演說，是事甚難。雖復說此不可說法，然真實知性不可說。善男子，若聞是法，不驚不怖，當知是人。又於無量諸如來所種諸善根，善男子，如是經典不可思議。若有人能受持讀誦書寫解說，是人則能受持一切諸佛法藏，攝取一切衆生解說。善男子，若有菩薩了了得見無量世界所有諸佛，見已即以上妙七寶滿世界，持用奉獻諸佛，世尊是人福德寧為多，不甚多。世尊，如是功德難以喻說。善男子，不如有人擁護正法為憐愍，故受持讀誦解說，是經何以故。

護

九卷

十五

法施之施勝於食施夫食施者即是出施法  
施之施是出世施善男子若人能護佛正法  
者即為四攝何等為四一為佛攝二為天攝  
三為福攝四為智攝佛攝眾生復有四事一  
者常得親近諸佛二者諸魔不得其便三者  
獲得無盡陀羅尼四者得住不退轉地天攝  
眾生亦有四事一者說法之處諸天設淨二  
者說法之時眾樂受聽三者終不為他因緣  
所害四者不信者信福攝眾生亦有四事一  
者莊嚴於身三十二相八十種好二者莊嚴  
於口凡所演說眾生樂聞三者莊嚴佛土四  
者莊嚴種姓所謂釋梵轉輪聖王智攝眾生

亦有四事一者知衆生根如意說法二者知衆生病苦隨病施藥三者得大神通遊諸佛土四者了了通達法界善男子若欲獲得如是功德應當勤心護持正法今時世尊即說頌曰  
若能護法生憐愍  
我說千分中一分  
猶如大海取一滄  
受人可付法藏  
知思念恩念如來  
如是則能護佛法  
不如至心誦一偈  
供養無量十方佛  
雖施無量國珍寶  
是故智者應護法  
法施最妙勝食施  
功德智慧所攝取  
十方諸佛天龍神  
是人皆由護正法  
莊嚴修行諸相好

常遇諸佛善知識  
速得無量陀羅尼  
身口意戒得清淨  
不退菩提具六度  
世界微塵可說盡  
欲得不可宣說智

常聞無上真實道  
是人皆由護正法  
具大神通遊諸國  
是人皆由護正法  
護法功德不可量  
應當堅心護正法

爾時眾中有一菩薩名功德寶光即從座起  
頭面敬禮長跪合掌前白佛言世尊如來於  
是大經典中說言佛法不可宣說若不可說  
云何可護佛言善哉善哉善男子如是如是  
如來正法實不可說如來覺知不可說法如  
是正法雖不可說而有字句以字句故可得



宣示如是字句受持讀誦書寫解說名護  
法善男子復有護法見有受持讀誦書寫解  
說之者恭敬供養親近禮拜尊重讚嘆生於  
師想擁護供給衣服飲食卧具湯藥房舍燈  
燭聞其所說稱讚善哉護其種姓所住宅舍  
亦復護其侍使之等聞惡隱蔽聞善稱揚善  
男子若能擁護是持法者是人即能護佛法  
僧復次善男子若有能修空無相願是人即  
是護持正法復次善男子見有誹謗方等經  
者不與同止言語談論調伏其罪是人即是  
護持正法復次善男子若有人能修習悲心  
無飲食想憐愍眾生宣說正法名護法復

次善男子不惜身命受持讀誦書寫解說如是等經是名護法復次善男子若有聽法一字一句往一由旬乃至七步入出息頃是名護法善男子過去無量阿僧祇劫有佛号曰大知聲力如來應正遍知明行足善逝世間解無上士調御丈夫天人師佛世尊國名淨光劫名高顯其土純是青琉璃寶諸菩薩衆一切成就無量勢力具足神通智慧無礙一切菩薩悉受天身至心聽法無有出家在家差別尔時世尊為護法故與諸大衆班宣正法彼時會中有一菩薩名曰法慧白佛言世尊何等是法而言擁護佛言善男子夫六入

者樂求境界若能遮止是名護法善男子眼  
識於色是名非法若能遠離是名護法乃至  
意識於法亦復如是善男子若見眼空見已  
不觀於色不著於識是名為法若能真實知  
如是法是名護法乃至若見意空見已不觀  
於法不著於識是名為法若能真實知如是  
法是名護法善男子九卷若法能生於是法中不  
求不取心不貪著是名護法若有見法能生  
邪見於是見中不求不取心不貪著是名護  
法若有無明不能淨心於是垢中不求不取  
心不貪著是名護法善男子若有一法求取  
之後不能施人此法非法亦非比丘若能施

者即是正法即是比丘若有無取無求無施  
即是正法即是比丘夫取求者即是非道若  
不施即是非法即非比丘若能施者即是正  
法即是比丘不取不求不施即是不出生  
不滅若非出生滅云何可施不可施者乃名  
為法乃名比丘何以故未生煩惱作障因緣  
故是故無盡無盡者無出無出者名為法名  
為比丘於如是法不求不取是名護法善男  
子今時彼佛說是法時三万二千菩薩得無  
生法忍海慧菩薩言出尊如我解佛所說義  
者法及非法是名為法何以故若有分別法  
非法者是人不能護持正法若作法相是名

非法卽尊若能了達見一切法是無法者是  
名第一真實之義卽尊若無法無非法卽是  
無數若無數者卽是實性實性者名爲虛空  
虛空之性無邊無節法性亦卽法性實性無  
有差別何以故無邊無節故若有菩薩見如  
是等卽真實見卽尊我不見一法以不見故  
不見有增不見有減卽尊我如是見將不誹  
謗如來說耶是實見不善男子如是見者不  
謗如來是真實見說是法時海慧菩薩及萬  
天人得無生忍善男子汝知卽時海慧菩薩  
豈異人乎卽我身是是故我於無量卽中所  
求正法今以付汝卽時衆中有六萬億諸善

薩等同共發聲白佛言世尊我等當共擁護  
正法受持廣說佛言善男子汝今云何如法  
而住護持正法山王菩薩即作是言世尊惜  
身命者不能護法我不惜命如法而住故能  
護法功德山王菩薩言世尊有貪利者不能  
護法我無貪利故能護法寶幢菩薩言世尊  
若見有法非法二相不能護法我無二相故  
能護法福德藏菩薩言世尊具煩惱者不能  
護法我有智力已遠離之故能護法持炬菩  
薩言世尊不破闇者不能護法我今破闇故  
能護法電光菩薩言世尊若隨他心不能護  
法我隨自意故能護法遍藏菩薩言世尊不

調諸根不能護法我今調伏故能護法淨光  
菩薩言世尊若作種種諸法相者不能護法  
我今於法無種種相故能護法增行菩薩言  
世尊心狂亂者不能護法我修三昧故能護  
法商主菩薩言世尊不知道者不能護法我  
今了知故能護法善念菩薩言世尊有疑心  
者不能護法我已斷疑故能護法善見菩薩  
言世尊不如法住不能護法我如法住故能  
護法慧光菩薩言世尊愚癡之人不能護法  
我今修智故能護法平等菩薩言世尊取怨  
親相不能護法我今平等故能護法法行菩  
薩言世尊不知衆生諸根境界不能護法我

今知之故能護法神通王菩薩言世尊見我  
我所不能護法我今不見故能護法師子吼  
菩薩言世尊不知佛性不能護法我今知之  
故能護法弥勒菩薩言世尊若遠菩提不能  
護法我今已近故能護法功德聚菩薩言世  
尊若無無量功德聚者不能護法我今已有  
故能護法文殊師利言世尊如是等語悉是  
謬語何以故如來世尊坐於道場菩提樹下  
不得一法汝云何言我當護法世尊我於諸  
法不取不捨為衆生故修習悲心不護不捨  
尔時佛讚文殊師利言善哉善哉善男子如  
來昔坐菩提樹下實無所得無所得故便從



中起文殊師利言如來真實坐於道場菩提  
樹耶何故而言從坐而起世尊如來若坐菩  
提樹下如來世尊則有二相一者如來二者  
菩提樹如來世尊已離二相佛言善男子菩  
提衆生一切法性等無差別一味一性如來  
坐於菩提樹下見如是法是故名爲逮得菩  
提我都不見離十卷菩提外別有十卷一法見一切法  
皆悉平等而是平等不入於數是故平等名  
爲無礙以是因緣如來名爲一切無礙善男  
子若能如是見如來者是人即得如來解脫  
得解脫已則能如是真實知見說是法時海  
慧菩薩所將眷屬諸菩薩等歡喜踊躍各作

是言我等今者得大利益現見釋迦牟尼如  
來及見文殊師利菩薩世尊隨是經典所住  
世界當知其土得大利益若有供養是經典  
者及有受持讀誦書寫廣說其義亦得利益  
尔時世尊告諸菩薩言汝今知得何等利益  
諸菩薩言世尊我等當以如是之義諮問文  
殊諸菩薩言文殊師利云何名為得大利益  
文殊師利言有十利益何等為十佛出於世  
見已生信既生信已聽受正法聞正法已永  
壞疑心壞疑心已得清淨命得清淨命已不  
為利說法彼聞法已發菩提心既發心已堅  
固不退心不退已如法而住如法住已得無

生忍諸善男子是名十利不可思議說是法  
時二万六千衆生發阿耨多羅三藐三菩提  
心三千大千世界大地六種震動出金色光  
尔時海慧菩薩白佛言世尊是大乘經能多  
利益無量衆生何以故一切衆生因大乘故  
得人天樂及涅槃樂世尊夫大乘者何法攝  
取何法利益何法難得何法障礙何因緣故  
名為大乘佛言善男子有一法攝取大乘所  
謂初發菩提之心既發心已修不放逸復有  
一法明信業果復有一法觀十二緣復有一  
法於諸衆生其心平等樂修大慈復有一法  
謂不退失菩提之心復有一法所謂念佛復

有一法如法住已念於正法復有一法以不  
退心念於衆僧復有一法不失道心念於淨  
戒復有一法遠離煩惱心念於捨復有一法  
欲得無量寂靜之身專念於天復有一法念  
欲安隱一切衆生復有一法勤行精進復有  
一法欲令衆生悉得解脫得解脫已受於喜  
樂復有一法樂求正法復有一法遠離貪心  
為衆說法復有一法於聽法者生愛念心復  
有一法於說法者樂為供養復有一法於正  
法中生藥樹想復有一法於自己身生大醫  
想復有一法至心專念護持正法復有一法  
紹隆三寶不令斷絕復有一法遠離懈怠復

有一法所謂知足復有一法於一切財無貪  
慳想復有一法自持戒已能化毀禁復有一  
法自修忍已能化衆生令離瞋心復有一法  
得少利益生大恩思想復有一法少得恩分生  
大報思想復有一法自持淨戒不輕毀禁復有  
一法破於憍慢復有一法至心求覓聽法之  
人復有一法離惡知識復有一法至心修善  
復有一法不隨他意復有一法調伏諸根復  
有一法於法師心如如來思想復有一法不惜  
身命護持正法復有一法行於世法不爲沾  
汙復有一法不惜身命求於正法復有一法  
調伏衆生受苦不恨復有一法如來現在若

涅槃後供養塔像等無有二復有一法眾生  
不請樂為善友復有一法於好物中心無貪  
著復有一法樂念出家復有一法樂稱人善  
復有一法樂求莊嚴菩提之法復有一法於  
同師同學心無嫉妬復有一法教化眾生發  
菩提心心無悔退復有一法覆藏他過復有  
一法求一切語復有一法求一切作復有一  
法所謂實語復有一法發言之後要終其事  
復有一法於善法所心無厭足復有一法隨  
所得物悉與人共復有一法善知魔界復有  
一法破壞憍慢修真實知復有一法心樂寂  
靜復有一法離我我所復有一法不自讚歎

復有一法隨俗而行復有一法修正命已樂  
於寂靜復有一法持淨戒已思惟善法復有  
一法修多聞已不生憍慢復有一法修善行  
已即住初地復有一法修空三昧觀於法性  
復有一法得供養已其心不高復有一法樂  
說世者不與同止復有一法得如法物與同  
學共復有一法真實方便復有一法一切知  
已不生貪想復有一法未學學已心不生悔  
復有一法既學知已心不輕慢復有一法遇  
罵辱已心不生瞋復有一法供養罵辱其心  
無二復有一法聞說正法稱讚善哉復有一  
法為欲具足六波羅蜜常求莊嚴復有一法

信心不退復有一法為菩提道求於莊嚴復  
有一法受供養已常淨已心為令施主得大  
利益復有一法具足七財復有一法能破眾  
生貧窮困苦復有一法以善方便調伏眾生  
復有一法以四攝取攝取眾生復有一法不  
與眾生而共諍訟復有一法聞法之時於法  
師所不求其短復有一法未得無上沙門果  
證心不生悔復有一法常行世間不為八法  
之所染汙復有一法常觀已過復有一法於  
舉罪者不生瞋恚復有一法見世間法其心  
生捨復有一法不誑善友復有一法先淨其  
心教他令淨復有一法不為利養受持淨戒



復有一法為增善法修習寂靜復有一法為  
於善法修淨莊嚴復有一法為淨功德而修  
莊嚴復有一法為淨智慧而修莊嚴復有一  
法修習無想三昧方便復有一法如法而忍  
復有一法修三解脫復有一法知處非處復  
有一法修舍摩他為欲莊嚴毗婆舍那復有  
一法知於解脫復有一法觀三世等復有一  
法謂不分別一切法界復有一法一切法性  
不生不滅菩薩摩訶薩觀是百法如是名為  
攝取大乘

法華經卷第九  
生王命

大方等大集經卷第九

譯



110X

523

1